

(2) Na izbor policijskog službenika putem internog oglašavanja shodno se primjenjuju odgovarajuće odredbe propisa o internom premještaju policijskih službenika Uprave policije.

(3) Uz prijavu na oglas, kao i u slučaju neposrednog izbora, policijski službenik prethodno daje svoju pismenu saglasnost na privremeni eksterni premještaj.

Član 9.

(Sadržaj rješenja)

Policijски komesar o privremenom eksternom premještaju donosi rješenje, koje treba sadržavati:

- a) ime i prezime policijskog službenika s ličnim podacima;
- b) radno mjesto, poziciju, odnosno dužnost na koju se premješta;
- c) vremensko trajanje premještaja;
- d) prava po osnovu rada i statusa koja proističu iz privremenog eksternog premještaja, uključujući pravo na povratak na rad u Upravu policije na odgovarajuće radno mjesto, odnosno poslove i zadatke uz saglasnost policijskog službenika.

Član 10.

(Prava i obveze iz radnog odnosa)

Tokom trajanja privremenog eksternog premještaja, policijski službenik zadržava svoja prava i odgovornosti iz radnog odnosa, uključujući i čin koji je imao u Upravi policije, a istovremeno preuzima obaveze radnog mjesta, odnosno pozicije na koju se privremeno premješta.

Član 11.

(Stupanje na snagu)

Ova Uredba stupa na snagu osmog dana od dana objavljivanja u „Službenim novinama Hercegovačko-neretvanske županije“.

Bosna i Hercegovina
Federacija Bosne i Hercegovine
HERCEGOVACKO-NERETVANSKI KANTON
V L A D A

Broj: 01-1-02-920/10
Mostar, 20.5.2010. godine

P R E D S J E D N I K
Srećko Boras, s.r.

135

Na osnovu člana 16. stav 1. i člana 17. stav 1. Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09), člana 5. stav 4. i člana 131. stav 1. alineja 1. Zakona o policijskim službenicima Hercegovačko-neretvanskog kantona („Službene novine HNK“, broj: 9/07), Vlada Hercegovačko-neretvanskog kantona je na 53. sjednici, održanoj 20.5.2010. godine, donijela

U R E D B U

O OBLIKU POLICIJSKE ISKAZNICE I ZNAČKE I POLICIJSKIH OBILJEŽJA

I - OPĆE ODREDBE

Član 1.

(Predmet)

Ovom Uredbom propisuje se izgled, odnosno oblik policijskih obilježja u Hercegovačko-neretvanskom kantonu (u daljem tekstu: Kanton) i to:

- zaštitni znak - amblem;
- značka policije;
- obrazac policijske iskaznice - legitimacije, sadržaj obrasca, postupak za izdavanje, rok važenja i način vođenja evidencija o iskaznicama-legitimacijama;
- zastava policije.

II ZAŠTITNI ZNAK - AMBLEM POLICIJE

Član 2.

(Izgled zaštitnog znaka - amblema)

(1) Zaštitni znak - amblem je štitastog oblika, s podlogom plave boje (oznaka boje: pantone 2995). Na ivičnoj plavoj podlozi (oznaka boje: pantone 300), iznad grba Kantona isписан je tekst «POLICIJA» (font arial bold, veličine 17,67 PT), latiničnim pismom.

(2) U središnjem dijelu nalazi se grb Kantona, ispod kojeg je na plavoj podlozi latiničnim pismom isписан naziv «MUP».

(3) S lijeve strane grba, zaobljeno - prateći zaobljenost grba, latiničnim pismom isписан je tekst «HERCEGOVACKO», a s desne strane grba, zaobljeno - prateći zaobljenost grba, latiničnim pismom isписан je tekst «NERETVANSKI».

(4) Tekst na zaštitnom znaku - amblemu je zlatno-žute boje (oznaka boje: pantone yellow 012).

(5) Dimenzije grba u odnosu na podlogu su 1:1.

(6) Izgled, odnosno oblik zaštitnog znaka - amblema prikazan je na slici 1., koja je sastavni dio ove Uredbe.

Član 3.

(Korištenje zaštitnog znaka - amblema)

Zaštitni znak - amblem se može koristiti isključivo za potrebe Ministarstva unutrašnjih poslova (u daljem tekstu: Ministarstvo), i to na: uniformama policije - desnom narukavlj, na objektima i u službenim prostorijama Ministarstva, na službenim vozilima, posebnim oznakama, akreditacijama ili bedževima, publikacijama i drugim pogodnim medijima.

Član 4.

(Dimenzije zaštitnog znaka - amblema)

Dimenzije zaštitnog znaka i odgovarajućeg natpisa propisanog ovom Uredbom prilagodit će se namjenama iz člana 3. ove Uredbe.

III ZNAČKA POLICIJE

Član 5.

(Izgled značke policije)

(1) Značka policije je devetougaonog oblika, promjera 62 mm s podlogom zlatno-žute boje. Na ivičnoj zlatno-žutoj podlozi iznad grba Kantona isписан je tekst u polukrugu latiničnim pismom: «POLICIJA», (font arial bold, veličina 10,13,PT).

(2) U centralnom dijelu značke nalazi se grb Kantona, ispod kojeg je na zlatno-žutoj podlozi latiničnim pismom isписан naziv «MUP» (font arial bold, veličina 10,13,PT), a ispod naziva «MUP» upisan je broj policijske značke s četiri broja (font arial bold, veličina 13,23,PT).

(3) S lijeve strane grba, zaobljeno - prateći zaobljenost grba, latiničnim pismom isписан je tekst «HERCEGOVAČKO», a s desne strane grba, zaobljeno - prateći zaobljenost grba, latiničnim pismom isписан je tekst «NERETVANSKI».

(4) Tekst na znački je plave boje (oznaka boje: pantone 293), a broj značke je crne boje (oznaka boje: pantone black).

(5) Dimenzije grba u odnosu na podlogu su 1:3.

(6) Značka je izrađena od mesinga koji je zaštićen od promjena pod uticajem atmosferskih prilika i to hemijskim putem - pasivizacija.

(7) Izgled, odnosno oblik značke prikazan je na slici broj: 2., koja je sastavni dio ove Uredbe.

Član 6.

(Način nošenja značke)

(1) Policijski službenici Ministarstva nose značku na lijevoj strani gornjeg dijela službene uniforme, na mjestu predviđenom za značku.

(2) Policijski službenici Ministarstva - službenici krim. policije, odnosno službenici policije koji

određene poslove i zadatke obavljaju u civilu, značku mogu nositi istaknutu na lijevom džepu gornjeg dijela garderobe, ili na opasaču pantalona.

IV. POLICIJSKA ISKAZNICA - LEGITIMACIJA

Član 7.

(Izdavanje policijske iskaznice - legitimacije)

Policijска iskaznica-legitimacija izdaje se policijskim službenicima Ministarstva koji su u skladu sa Zakonom o policijskim službenicima HNK ovlašteni da primjenjuju policijska ovlaštenja propisana ovim Zakonom.

Član 8.

(Izgled policijske iskaznice-legitimacije)

(1) Policijska iskaznica-legitimacija se izrađuje u polaroid tehnici kompjuterskog sistema, dimenzija 90x60 mm.

(2) Prednja strana policijske iskaznice-legitimacije iz člana 7. ove Uredbe sadrži:

- a) na gornjoj desnoj strani zaštitni znak;
- b) na gornjoj lijevoj strani upisan je tekst «BOSNA I HERCEGOVINA», «FEDERACIJA BOSNE I HERCEGOVINE», «MINISTARSTVO UNUTARNJIH/UNUTRAŠNJIH POSLOVA HERCEGOVAČKO-NERETVANSKE ŽUPANIJE/KANTONA», „HERCEGOVAČKO-NERETVANSKOG KANTONA“ «POLICIJSKA ISKAZNICA-LEGITIMACIJA OVLAŠTENIH SLUŽBE-NIH OSOBA/LICA»;
- c) na donjoj desnoj strani fotografiju nosioca policijske iskaznice - legitimacije dimenzija 25x30 mm preko koje se utiskuje suhi žig;
- d) ispod teksta iz tačke (b). ovog stava nalaze se rubrike: ime, prezime, broj značke, broj i krvna grupa;
- e) u donjem središnjem dijelu upisana je oznaka «KOMESAR POLICIJE», ispod koje je prostor za potpis, preko kojeg se otiskuje odgovarajući pečat Ministarstva.

(3) Policijska iskaznica-legitimacija je plave (blue) boje (oznaka boje: pantone 2945) s plavom ivicom (oznaka boje: pantone 2757) zaštitni znak je u bojama utvrđenim članom 2. ove Uredbe, a tekst je isписан bijelom, žutom i plavom bojom (oznaka boje: pantone yellow 012 i pantone cyan).

(4) Tekst policijske iskaznice-legitimacije isписан je latinicom, na hrvatskom i bosanskom jeziku.

(5) Na poledini policijske iskaznice-legitimacije, odštampan je tekst ovlaštenja policijskih službenika

Hercegovačko-neretvanskog kantona

Ministarstva na hrvatskom i bosanskom jeziku latinicom, slijedećeg sadržaja:

«Imatelj/Imalac ove iskaznice-legitimacije ovlašten je, pod uvjetima/uslovima utvrđenim Zakonom: da legitimira/legitimiše građane, da ga zadrži i privede nadležnom organu, da uđe u tuđi stan i druge prostorije, da se zadrži u njima i da izvrši pretresanje bez naredbe nadležnog organa, da nosi vatreno oružje i da ga upotrijebi, da privremeno oduzme predmete koji mogu poslužiti kao dokaz u kaznenom/krivičnom postupku, da se posluži tuđim prometnim/saobraćajnim i sredstvom veze, te poduzme/preduzme druge mjere utvrđene Zakonom».

(6) Izgled obrasca policijske iskaznice-legitimacije iz člana 7. ove Uredbe prikazan je na slici broj 3 i čini sastavni dio ove Uredbe.

Član 9.

(Nadležnost za izdavanje)

Policjsku iskaznicu-legitimaciju iz člana 7. ove Uredbe izdaje Ministarstvo u sjedištu, a iste potpisuje komesar policije.

Član 10.

(Evidencije)

(1) O izdatim iskaznicama-legitimacijama vodi se evidencija.

(2) Evidenciju vodi organizaciona jedinica Ministarstva u sjedištu nadležna za kadrovske poslove.

(3) Evidencija iz stava 1. ovog člana sadrži: registracijski broj, ime i prezime ovlaštene osobe/lica - policijskog službenika kome je izdata policijska iskaznica-legitimacija, poslove i zadatke koje obavlja, naziv organizacione jedinice u kojoj obavlja poslove i zadatke, serijski broj policijske iskaznice - legitimacije i značke, datum izdavanja i rubrika za napomenu.

Član 11.

(Gubitak i oštećenje policijske iskaznice-legitimacije ili značke)

(1) Kada policijski službenik izgubi policijsku iskaznicu-legitimaciju ili značku, ili na drugi način ostane bez nje, dužan je o tome odmah, a najkasnije u roku od tri dana od dana gubitka ili nestanka iskaznice-legitimacije ili značke, obavijestiti neposrednog rukovodioca i podnijeti mu pismeni izvještaj o vremenu i načinu gubitka ili nestanka te iskaznice-legitimacije ili značke, a neposredni rukovodilac će odlučiti o eventualnoj disciplinskoj odgovornosti imaoča iskaznice-legitimacije.

(2) U slučaju oštećenja policijske iskaznice-legitimacije ili značke, policijski službenik dužan

je o tome odmah, a najkasnije u roku od tri dana, obavijestiti neposrednog rukovodioca koji će zatražiti izdavanje nove policijske iskaznice-legitimacije ili značke. Oštećena policijska iskaznica-legitimacija ili značka dostavlja se uz zahtjev za zamjenu iste.

(3) Ministarstvo će izgubljenu policijsku iskaznicu-legitimaciju ili značku oglasiti nevažećom u „Službenim novinama HNK“.

Član 12.

(Vraćanje policijske iskaznice-legitimacije ili značke)

(1) Nositelj policijske iskaznice-legitimacije ili značke kome prestane radni odnos u Ministarstvu, ili koji je raspoređen na radno mjesto za koje se ne izdaje policijska iskaznica-legitimacija ili značka, dužan je predati iskaznicu-legitimaciju i značku neposrednom rukovodiocu.

(2) Neposredni rukovodilac dužan je primljenu iskaznicu-legitimaciju i značku dostaviti Ministarstvu u roku od 5 dana od dana prijema te iskaznice-legitimacije i značke.

(3) Policijska značka iz stava (1). može se izdati drugom policijskom službeniku.

Član 13.

(Zamjena policijske iskaznice-legitimacije)

Policjske iskaznice-legitimacije izdate po ranijim propisima zamijenit će se policijskom iskaznicom-legitimacijom u skladu s ovom Uredbom u roku od 3 mjeseca od dana stupanja na snagu ove Uredbe, kojom prilikom se vraćaju ranije izdate policijske iskaznice-legitimacije i iste uništavaju od strane komisije koju imenuje policijski komesar.

Član 14.

(Izrada policijskih iskaznica-legitimacija i značke)

Obrazac policijske iskaznice-legitimacije i značke izrađuje privredno društvo ili drugo pravno lice koje za to ovlasti ministar.

V. ZASTAVA POLICIJE I DAN POLICIJE

Član 15.

(Izgled zastave policije)

(1) Zastava policije je pravougaonog oblika bijledo-plave boje (oznaka boje: pantone cyan) sa zlatnom ivicom (oznaka boje: pantone yellow), po cijeloj dužini strana zastave.

(2) U sredini zastave nalazi se zaštitni znak-amblem policije tako da zauzima površinu jednaku površini koju zauzima grb Hercegovačko-neretvanskog kantona u površini zastave Hercegovačko-neretvanskog kantona.

(3) Odnos dužine i širine zastave je 3:5.

(4) Izgled zastave policije prikazan je na slici broj 4 i čini sastavni dio ove Uredbe.

Član 16.

(Isticanje zastave policije)

Zastava policije se ističe kao simbol Ministarstva:

- a) na objektima Ministarstva, policijskih uprava, policijskih stanica i policijskih ispostava;
- b) povodom svečanosti, takmičenja i drugih okupljanja zaposlenika Ministarstva;
- c) u drugim slučajevima po odobrenju ministra.

Član 17.

(Dan policije)

Kao "Dan policije Hercegovačko-neretvanskog kantona", utvrđuje se 23. decembar.

VI. ZAVRŠNE ODREDBE

Član 18.

(Donošenje propisa)

U roku od 60 dana od stupanja na snagu ove Uredbe, Ministarstvo će donijeti propise uz prethodnu saglasnost Vlade HNK, kojom će se podrobniјe uređiti: način korištenja policijskih obilježja povodom svečanosti, smotre policije, komemorativnih svečanosti i sahrana, te način obilježavanja «Dana policije HNK».

Član 19.

(Prestanak primjene propisa)

Raniji propisi koji su se odnosili na materiju regulisanu ovom Uredbom prestali su važiti u skladu sa odredbama člana 136. stav 2. Zakona o policijskim službenicima HNK ("Službene novine HNK" broj: 9/07).

Član 20.

(Stupanje na snagu)

Ova Uredba stupa na snagu osmog dana od dana objavljivanja u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVACKO-NERETVANSKI KANTON
V L A D A

Broj: 01-1-02-923/10
Mostar, 20.5.2010. godine

Hercegovačko-neretvanskog kantona



slika 1

Zaštitni znak MUP-a HNK



slika 2

Policijska značka

slika 3
Policijska legitimacijaSlika 4.
Zastava policije